




RIGSADVOKATEN



Unnerluussisuunerup 2013
–imut ukiumoortumik nalunaarusiaa

Kalaallit Nunaanni politit pillugit
naammagittaalliuutit suliarineqarnerat

2013



Unnerluussisuunerup 2013
– imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

2013

Rigsadvokatens beretning 2013

Behandling af klager over politiet i Grønland

Publikationen kan hentes på Rigsadvokatens hjemmeside

<http://www.anklagemyndigheden.dk>

ISBN 978-87-994753-2-2 (Internet)

Layout: Rumfang 15064-72

ISSN 1601-4138

Imarisai

Siulequt	5
1. 2013-imi sulineq nalinginnaasoq	6
1.1 Aallaqqaasiut	6
2. Suliat kisitsisinngorlugit nalunaarsorneri aamma naammagittaalliuutit aalajangersimasut	8
2.1 Politiit pillugit naammagittaalliuutinik aalajangiiniartartut suliaat pillugit naammagittaalliuutit tiguneqarsimasut kisitsisinngorlugit takussutissiaq	8
2.2 Politiit pillugit naammagittaalliuutinik aalajangiiniartartut suliaannut tunnga-Sut aalajangiiffigineqarsimasut	9
2.2.1 Iliuusaasut pillugit naammagittaalliuutit aalajangikkat kisitsisinngorlugit	9
2.2.2 Suliat pinerluttulerinermut tunngasut aalajangikkat kisitsisinngorlugit	10
2.3 Suliat Rigsadvokatimit aalajangiiffigineqartut kisitsisinngorlugit	12
3. Suliat aalajangersimasut misissorneri	13
3.1 Inatsimmi kapitali 2 – iliuusaasut pillugit naammagittaalliuutit ..	13
3.2 Inatsimmi kapitali 3 – pinerluttulerani suliat	17
3.3 Suliat politimesterip nammineeerluni aallartitai	19
3.4 § 17, imm. 2 malillugu misissuinerit	20
3.5 Suliat Rigsadvokatimit suliarineqartut	21
Kalaallit Nunaanni Politiit pillugit naammagittaalliuutinut aalajangiiniartartut 2013-imut nalunaarusiaat	23
Suliaasimasunik nalunaarsuut	26
Ilanngussaq	27
Ilanngussaq 1: Kalaallit Nunaanni politiit pillugit naammagittaalliuutinik aalajangiiniartartut ukiumi nalunaarusiorfimmi 2013-imi ilaasortai	27

Siulequt

Kalaallit Nunaanni Inatsisartunut, Folketingemut aammalu Inatsisunik ator-titsinermik ministerimut

Kalaallit Nunaanni politiit pillugit naammagittaalliuutit aammalu pinerlut-tuleraluni suliat suliarineqartarnerat pillugu inatsit nr. 905 16. december 1998-ime-ersumi § 33 malillugu, inatsimmi kapitali 2-mi aammalu 3-mi taaneqartutut suliat suliarineqarsimanerat ukiumoortumik Rigsadvokatip nalunaarusiarisas-savai. Pineqarput politiini sulisuusut pillugit sulinermi nalaani iliuusaannut naammagittaalliuutigineqartut suliarineqartarneri, politiini sulisuusut pillugit pinerluttulerinermut tunngasut suliassat suliarineqartarneri kiisalu politiit aku-liunnerisa kingunerisaannik toqusoqarsimatillugu imaluunniit pineqartunik politiinit tigummineqarnerup nalaani annertuumik ajoqusertoqarsimaneranik misissuinerit.

Tamatumunnga naapertuuttumik matumuuna ukioq 2013-imut nalunaa-ru-siorpunga.

Nalunaarusiami Kalaallit Nunaanni Politiit pillugit naammagittaalliuutinik aala-jangiiniartartut nalunaarusiaata ilaa ilanngunneqarpoq.

København, juni 2015

Ole Hasselgaard

1. 2013-imi sulineq nalinginnaasoq

1.1 Aallaqqaasiut

Kalaallit Nunaanni Politiit pillugit naammagittaalliutininut aalajangiiniartartut 1. januar 2000 aallartinneqarput, ukiullu tamaasa Rigsadvokati Kalaallit Nunaanni Politiit pillugit naammagittaalliuitit suliarineqarsimaneri nalunaarusiarisarpai. Sior-natigut nalunaarusiarineqarsimasut unnerluussisussaataasut nittartagaanni *www.anklagemyndigheden.dk*-mi pissarsiarineqarsinnaapput. 2000-imut, 2001-imut aammalu 2002-mut nalunaarusiani aaqqissuussinermi tunngaviusut sukumiisumik sammineqarsimapput aammalu politiit unnerluussisussaataasullu aaqqissuunneqar-nerisa suliassallu allaaserineqarneri. Kalaallit Nunaanni politiit pillugit naamma-gittaalliutininik aamma pinerluttoqarsimatillugu suliaqartarnernut tunngasut pillugit inatsit nr. 905 23. december 1998-imeersoq aamma nalunaarutit kaajallaasitallu ilanngussatut naqinneqarlutik ilanngunneqarput.

Inatsimmi nr. 305 30. april 2008-meersumi, 1. januar 2010 atuutilersumi, Kalaallit Nunaanni eqqartuussisarnermik inatsit nutaaq akuerineqarpoq. Taamaattorli Kalaallit Nunaanni politiit pillugit naammagittaalliuitit aammalu pinerluttuleraluni suliat suliarineqartarnerannut malittarisassat inatsimmi 1998-imeersumi immikkut naleqqussarneqarpoq.

Nalunaarusiami matumani 2013-imi politiit pillugit naammagittaalliuitit toqqakkat misissorneqarput. Aammattaaq naammagittaalliuitit pineqartut pillugit kisit-sisinnegortinneqarneri ilaapput.



2. Suliat kisitsisinngorlugit nalunaarsorneri aamma naammagittaalliutit aalaja-ngersimasut

2.1 Politiit pillugit naammagittaalliutit aalajangiiniartartut suliaat pillugit naammagittaalliutit tiguneqarsimasut kisitsisinngorlugit takussutissiaq

Politiit pillugit naammagittaalliutit tiguneqartut amerlassusaat nalunaarusiorfimmi 2013-imi 11-upput nalunaarusiorfimmi 2012-imi 15-iusimallutik. § 17, imm. 2 malillugu misissuinermik ataatsimik aallartitsisoqarpoq, suliallu inuit toqusimane-rannut imaluunniit annertuumik ajoqusersimanerannut, politiit akuliussimanerisa kingunerannik imaluunniit pineqartut politiitit tigummineqarnerisa nalaanni pisima-sunut tunngasuupput.

Tabel 1. Politiit pillugit naammagittaalliutit politimesterimi tiguneqarsimasut¹

Tiguneqarsimasut ukiuni	2006	2007	2008	2009	2010	2011	2012	2013
Politiit iliuusaannut naammagittaalliutit	17	9	12	8	6	9	8	8
Politiit pinerluttuliorsimaneranut naammagittaalliutit ²⁾	9(0)	14(4)	14(0)	10(1)	11(7)	8(1)	7(3)	3(1)
§ 17, imm. 2 malillugu misissuinerit	1	1	3	3	1	1	1	1
Aaqqissuussineq malillugu suliat katillugit	27	24	29	21	18	18	16	12

Nassuiaatit:

1) Politiit pillugit naammagittaalliutit Rigsadvokatimit tiguneqarsimasut, **takuuk tabel 7**

2) Angallannermut tunngasut ungaluusiaaapput

2.2 Politiit pillugit naammagittaalliuutinik aalajangiiniartartut suliaannut tun-ngasut aalajangiiffigineqarsimasut

Ukiuni nalunaarusiorfiusuni 2013-imi Kalaallit Nunaanni politimesterip suliat 14-it aalajangiiffigisimavai, 2012-imi suliat 16-it aalajangiiffigisimallugit.

Tabel 2. Politiit pillugit naammagittaalliuutinik aalajangiiniartartut suliaat aalajangiiffigineqartut

Aalajangiiffigineqartut	2006	2007	2008	2009	2010	2011	2012	2013
Politiit iliuusaannut naammagittaalliuutit	8	11	16	9	9	9	4	8
Politiit pinerluttuliorneri ¹⁾	8(1)	5(3)	18(2)	13(0)	8(4)	7(1)	11(3)	5(3)
§ 17, imm. 2 malillugu misissuinerit	1	2	1	2	2	2	1	1
Aaqqissuussineq malillugu suliat	17	18	35	24	19	18	16	14

Nassuiaatit:

1) Angallannermut tunngasut ungaluusigaapput

2013-ip naanerani suliat 13-it Kalaallit Nunaanni politimesterimi suliarineqartut 2012-imi 19-iusimallutik.

Tabel 3. Politiit pillugit naammagittaalliuutinik aalajangiiniartartut suliassaat 31. december ingerlasut

	2008	2009	2010	2011	2012	2013
Iliuutsit pillugit naammagittaalliuutit	10	9	8	6	10	9
Pinerluttuliornerit ¹⁾	11	7 (1)	11 (4)	10 (2)	8 (3)	3
§ 17, imm. 2 malillugu misissuinerit	2	2	2	1	1	1
Katillugit	23	18	21	17	19	13

Nassuiaatit:

1) Angallannermut tunngasut ungaluusigaapput

2.2.1 Iliusaasut pillugit naammagittaalliuutit aalajangikkat kisitsisinngorlugit
Iliusaasut pillugit naammagittaalliuutit aalajangiiffigineqarsimasut kisitsisinngor-tinneqarnerat, naammagittaalliuutinut politeeqarfinni isumaqatigi-issutaasimasunut (nalunaarsukkanut) paasisutissanik naammagittaalliuutinik utertinneqarsimasunik naammagittaalliuutinillu itigartissutigineqarsima-

sunik imaqarput. Aammattaaq suliat politiit ataasiakkaat aamma/imaluunniit "aaqqissuussaaneq" isornartorsiussal-lugit imaluunniit pisoq ajuusaarutigissal-lugu tunngavissaqarsimavoq.

2013-imi iliuusaasut pillugit suliat arfineq-pingasut aalajangiiffigineqarput. Suliani taakkunanga arfineq-marluk naammagittaalliutit itigartitsissutigineqarput, suliarlu kingulleq nalunaarusiatut aalajangiiffigineqarluni. Aalajangiinerit Rigsadvokatimut naammagittaalliutitigineqanngillat.

Tabel 4. Suliat iliuusaasunut tunngasut aalajangiiffigineqarsimasut

Suliat iliuusaasunut tunngasut aalajangiiffigineqarsimasut	2006	2007	2008	2009	2010	2011	2012	2013
Naammagittaalliutit politeeqarfimmi isumaqatigiissutigineqartut ¹⁾	2	0	0	1	1	0	2	1
Naammagittaalliutit utertinneqartut	0	0	2	0	0	0	0	0
Naammagittaalliutit tunngavissaqanngitsut utertitat ²⁾	5	8	12	6	7	7	2	6
Isornartorsiorneqanngilaq pisorli ajuusaarutigineqarpoq ³⁾	1	2	1	2	1	1	0	0
Isornartorsiuinissamut tunngavissalik ⁴⁾	0	0	1	0	0	0	0	0
Aaqqissuussinermut isornartorsiunerit ⁵⁾	0	0	0	0	0	0	0	0
Allat ⁶⁾	0	1	0	0	0	1	0	1
Katillugit	8	11	16	9	9	9	4	8

Nassuiaatit:

- 1) Nalunaarsukkat.
- 2) Tassani pineqarput ilaatigut suliat tunngavissaqanngitsut, misissuinerit naammagittaalliummut naapertuutinningsut aammalu suliani paasissutissat imminnut paarlangasut ("nalgiginnartut").
- 3) Suliami pisup naammagittaalliortumut utoqqatsissutigineqarnera, naak politiitut sulisup iliuusaata isornartorsiornissaanut patsissisaqanngikkaluartoq.
- 4) Politiitut atorfeqartup iliuusaanik isornartorsiuneq
- 5) Ingerlatseriaatsimut nalinginnaasumut aaqqissuussinerup isornartorsiorneqarnera
- 6) Suliaq unitsinneqarsimasooq pineqarpoq, ilaatigut naammagittaalliortup politimesterip saaffiginnissutaanut qisuariar-simannginnera pissutigalugu.

2.2.2 Suliat pinerluttulerinerimut tunngasut aalajangikkat kisitsisinngorlugit

Sulianut *pinerluttulerinerimut* tunngasunut kisitsisitigut takussutissiaq imaqarpoq sulianut paasissutissanik nalunaarutiginninnernik tunuartinneqartunik pivusorsior-tumik suliarineqanngitsunik aamma sulianik paasiniarneri unitsinneqartunik ima-luunniit uparuarneqanngiinnartussanik. Taamatuttaaq ilaapput paasissutissat, sulianut politimesterip imaluunniit Rigsadvokatip unnerluutigininnissamut tunngavissaqar-sorisaannik.

2013-imi suliat pinerluttulerinermut tunngasut tallimat aalajangiiffigineqar-simapput, taakkunannga pingasut angallannermi suliaallutik.

Suliani tallimaasuni ataaseq unnerluussinissamut tunngavissaqartoqarsi-mavoq. Suliami tassani pinerluttulerinermik inatsimmi § 88 malillugu nakuu-sersimasutut politiimik unnerluussisoqarpoq. Suliaq taanna pineqartoq immik-koortumi 3.3-mi sukumiinerusumik eqqartorneqassaaq.

Tabel 5. Suliat pinerluttulerinermut tunngasut aalajangiiffigineqarsimasut

Aalajangiiffigineqartut	2006	2007	2008	2009	2010	2011	2012	2013
Nalunaarut itigartitsissutigineqarpoq ¹⁾	2	0	2	3	1	1	0	1
Misissuineq unitsinneqarpoq / unnerluussineq taamaatinneqarpoq ²⁾³⁾	4 (1)	3 (2)	11	9	4 (1)	2	7	3 (3)
Unnerluussinissamut tunngavissalik ⁴⁾	2	1 (1)	2 (2)	1	3 (3)	4 (1)	3 (2)	1
Allat ⁵⁾	0	1	3	0	0	0	1	0
Katillugit	8 (1)	5 (3)	18 (2)	13 (0)	8 (4)	7 (1)	11 (2)	5 (3)

Nassuiaatit:

- 1) Eqqartuussisarnermi inatsit § 337, imm. 2 malillugu akerlianik itigartitsineq.
- 2) Suliat angallannermut tunngasut ungaluussigaapput.
- 3) Taakkunani pineqarput suliat, eqqartuussiveqarneq pillugu inatsimmi § 338, imm. 3 malillugu (inuit pasineqanngitsut), akerleriimmata, unitsinneqarsimasut aamma suliat eqqartuussiveqarneq pillugu inatsimmi § 312 malillugu uparuaaffigi-neqarnissai taamaatiinnarneqarsimasut (inuit pasineqartut).
- 4) Taakkunani pineqarput suliat, unnerluussisutaasimasut, akiligassiisutaasimasut imaluunniit mianersoqqussummik nalunaarfigineqarsimasut..
- 5) Taakkunani pineqarput suliat utertinneqarsimasut, annikitsut (angallannermut tunngasut) il.il.

2013-imi suliamik ataatsimik § 17, imm. 2 malillugu suliarineqartunik aalajangiisoqarpoq (misissuinerit inuup toqusimaneranut imaluunniit annertuumik ajoqusersimaneranut, politiit akuliussimanerisa kinguneranik). Taanna nalunaarusiami 2012-imi immikkoortumi 3.4-mi sukumiinerusumik eqqartorneqarpoq.

Tabel 6. § 17, imm. 2 malillugu misissuinerit aalajangiiffigineqarsimasut

§ 17, imm. 2 malillugu aalajangiiffigineqartut	2006	2007	2008	2009	2010	2011	2012	2013
Misissuinerit unitsinneqartut	1	2	1	2	2	0	1	1
Allat	0	0	0	0	0	2	0	0
Katillugit	1	2	1	2	2	2	1	1

2.3 Suliat Rigsadvokatimit aalajangiiffigineqartut kisitsisinngorlugit

Rigsadvokati 2013-imi pinerluttuleraluni sulianik siullermiikkatut tigusaqar-toqanngi-laq. Ukiumi nalunaarusiorfiusumi politimesterip aalajangigaanut naammagittaalliu-tinik Rigsadvokati suli tigusaqanngilaq.

Tabel 7. Politiit pillugit naammagittaalliutit Rigsadvokatimut takkussortut immikkoortitererat

Suliassaq takkuttooq	2006	2007	2008	2009	2010	2011	2012	2013
Suliaq uannga naammagittaalliutaavoq								
– <i>politiit atorfilimmit</i>	0	0	0	0	0	0	0	0
– <i>innuttaasumit</i>	0	0	1	1	0	0	0	0
– <i>politiit pillugit naammagittaalliutininik aalajangiisartut</i>	0	0	0	0	0	0	0	0
Suliat siullermiikkatut Rigsadvokatimit suliarineqartut	2	2	3	0	0	0	1	0
Katillugit	2	2	4	1	0	0	1	0

3. Suliat aalajangersimasut misissorneri

Sulianik aalajangersimasunik misissuinerup suliat nalinginnaasut arlariiaat 2013-imi suliarineqartut erseqqissaavigineqarnissaat siunertaraa.

3.1 Inatsimmi kapitali 2 – iliuusaasut pillugit naammagittaalliutit

Politimesterip 2013-imi politiit sulinerminni iliuusaannut naammagittaalliutit arfi-neq-pingasut aalajangiiffigivai. Taakkunani ataaseq nalunaarsukkatut suliarineqar-poq. Immikkoortumi uani iliuusaasut pillugit suliat tallimat nassuia-atigineqarput.

Oqaatsit atorneqarnerat aammalu nipangersimasussaatitaanerup unioqqutin-neqarnera pillugu naammagittaalliut

(55PM-00173-00012-11)

K politiinut nalunaaruteqarsimasooq qimmit pillugit inatsimmik unioqqutitsisoqarsi-masooq tassungalu atatillugu politeeqarfimmi killisiorneqarsimalluni. K'p naamma-gittaalliutigaa killisiorneqarnerminut politii P'p ilanngussimanera aammalu tassu-nga tunngatillugu nipangeqqullugu assigisaanilluunniit nilliasimanera. K'p aammat-taaq naammagittaalliutigaa P'p nipangersimasussaatitanani unioqqutillugu nammi-nerisaminik qimminut inatsisip unioqqutinneqarneranut suliaq pineqartoq eqqartorsi-magaa.

P'p suliamut oqaaseqaataani allaqqavoq, suliaq pillugu K oqaluussimallugu, kisianni-li eqqaamanagu nilliaffigisimanerlugu imaluunniit nipangeqqusimanerlugu assigisaa-nilluunniit.

Oqaatsit assortuuttuummata, K'p oqaatigisaatut P'p oqaaseqarsimanera naamat-tumik politimesterip tunngavissaqartissimangilaa. Tamanna tunngavigalugu politi-mesteri isumaqanngilaq P'p pissusilersuutai isornartorsiussallugit naammattumik tunngavissaqartoq.

Aammattaaq nipangersimasussaatitaanerup unioqqutissimaneranut naammagittaalli-ummut atatillugu politimesteri isornartussaqaartitsinngilaq. Tamatumani politimesterip pingaartippaa qimmit pillugit inatsimmik unioqqutitsineq eqqartugaasimasooq sumiif-fimmilu ilisimaneqarsimalluni, aammalu P suliamik pineqartumik suliaqartuusimana-ni. Tamannalu tunngavigalugu politimesteri

Assersuut 1

isumaqarsimavoq P inuttaasutut allatulli suliaq pillugu allanik eqqartuinissaminut pisinnaaffeqarsimasoq. Aammattaaq politi-mesteri isumaqarpoq tassunga atatillugu P'p paasisuttissanik isertuussanik ingerlatit-seqqissimaneranut pasillissallugu tunngavissaqarsimanngitsoq.

Aalajangiinermut politiit pillugit aalajangiiniartartut isumaqataapput.

Assersuut 2 Tigusarinninnermut atatillugu politiit nukersorsimanerat pillugu naammagit-taalliuut

(55PM-00173-00002-13)

K'p naammagittaalliuutigaa tigusarinninnermut atatillugu politiit nukersorsimanerat.

Suliami allaqqavoq aqqusinermi eqqissiviillortoqarnera pillugu politiinut nalunaar-toqarsimasoq. Politiit biiliat P1 aammalu P2 ilaasoralugit piffimmut ornigutsinne-qarpoq, tassanilu K naapippaat sakkortusaarlunilu kamattoq. Politiit K eqqissisissin-naannginnamikku aalajangerneqarpoq tigusarineqassasoq. Kingornatigut paffequser-neqarpoq isertitsivimmukaaneqarlunilu.

P1'ip aammalu P2'p ilaatigut nassuiaatigaat K tigusarineqarnermini sakkortuumik akiuussimasoq aammalu tassunga atatillugu paffequserneqarsimasoq. Aammattaaq K isertitsiviliaanneqarami sulii sakkortusaarlunilu kamassimavoq. Tamanna tunngaviga-lugu nukersornissaq pisariaqarsimavoq.

Suliami allaqqavoq K'p naammagittaalliuutaata itisilernissaa siunertaralugu killisior-neqarnissaanut aggersarneqarsimasoq, kisiannili aggingitsoornissani nalunaarutigeq-qaarnagu killisiorneqarnissaminut takkussimanngitsoq.

Politimesterip naammagittaalliuut tunngavissaqanngitsutut itigartitsissutigaa, P1'ip aammalu P2'p nassuiaaneri tunngavigalugit isumaqarami tunngavisaqartoq tigusarinninnissamut P1'ip aammalu P2'p nukersortariaqarsimanerat pisariaqarsimasoq.

Politiit pillugit naammagittaalliuutinut aalajangiiniartartut aalajangiinermut isumaqa-taapput.

Assersuut 3 Tigusarinninnermut atatillugu politiit nukersorsimanerannut naammagittaalliuut

(55PM-00173-00007-12)

K'p naammagittaalliuutigaa tigusarinninnermut atatillugu politiit nukersorsimanerat. K'p ilaatigut naammagittaalliummini allappaa nunamut uppitinnerqarsimalluni, aammalu talini qissallassimagaat.

Suliami allaqqavoq unnummi angerlarsimaffimmi eqqissiviillortunut/aqqusinermi eqqissiviillortunut politiit aggersagaasimasut. Politiit biiliat politiimik

P'mik aammalu reservebetjentinik marlunnik inuttalik K'p inunnik allanik ilagisaqarluni sumiiffigisaanut orniguppoq. K aalakoopq, nipiliorluni aammalu eqqissiveqarani, aammalu politiit piffimmi suliaannut arlaleriarluni akuleruluni. Tamanna tunngavi-galugu P'p aalajangerpaa K tigusariniarlugu.

P'p ilaatigut nassuiaatigaa K'p tigusarinera eqqissisimasumik ingerlasimasoq, taamaattumillu nukersornissaq pisariaqarsimanngitsoq.

Suliami allaqqavoq K aggersarneqarsimasoq naammagittaalliuutaata itisilernissaa siunertarlugu, kisiannili marloriarluni killisiorneqarnissaminut takkusimanngitsoq aggettussaanginnini nalunaarutigeqqaarnagu.

Politimesterip naammagittaalliuut tunngavissaqanngitsutut itigartitsisutigaa, P'p nassuiaanera tunngavigalugu P'p K'mik tigusarinninnermini isornartumik pissusiler-sorsimanera tunngavilersorsinnaanginnamiuk.

Politiit pillugit naammagittaalliuutinut aalajangiiniartartut aalajangiinnermut isumaqa-taapput.

Tigusarinninnermut atatillugu politiit nukersorsimanerat aammalu oqaatsinik atuisimanerat pillugu naammagittaalliuut

Assersuut 4

(J.nr. 55PM-00173-00002-12)

Politiit nalunaarfigineqarput biili K'p pigisaa naleqqutinngitsumik inissinneqarsima-soq. K'p sanilia nalunaarutiginnittuuvooq, suliami allaqqavoq K sanilinilu akunner-minni piffissami sivilisuaami akerleriissimasut sumiiffimmini biilinit inissiisarfiit pillugit.

Nalunaarutigineqartoq tunngavigalugu politeeq P sumiiffimmukarpoq, tassanilu K angerlarsimaffiani naapippaa. P'p K qinnuigaa biilini illikaqqullugu, tamannali K'p malikkumangilaa. K kammerserpoq aammalu sanilini akerartulerlugu, kingornalu P racistiunerarlugu. Kingorna P'p K tigusaraa. Tassunga atatillugu P'p peberspray atorpaa. Kingorna P politiinik allanik ikiortissarsiorpoq, politiillu allat takkummata K natermut uppitinneqarpoq paffequserneqarlunilu.

K'p naammagittaalliuutigaa pisumut atatillugu P'p pissusilersonera. Naammagittaal-liuummi ilaatigut K'p allappaa namminerisaminik najugarisaminut P'p takkunnissaa-nut naammattumik tunngavissaqarsimanngitsoq. Aammattaq K'p allappaa tigusa-rinninnermi pisariaqanngitsumik nukersortoqarsimasoq, aammalu P'p oqaasii tulluar-simanngitsut.

K pisumut pineqartumut atatillugu pinerluttulerinermik inatsimmi § 37-mik – pisor-tani sulisorisanik nalinginnarinninneq – unioqqutisisimasutut unnerluunneqarpoq. P'p racistiuneranik assigisaanilluunniit oqaaseqarsimasutut kingornatigut pineqaatis-sinneqarpoq.

Pinerluttuleraluni suliaq utaqqereerlugu suliaq naammagittaalliutaasoq eqqartuussi-vimmi nassuiaatigineqartut, K pillugu pinerluttuleraluni suliamut atatillugu saqqum-miunneqartut, tunngavigalugit aalajangiiffigineqarpoq.

Politimesterip politiiit pillugit naammagittaalliutininut aalajangiiniartartunut saqqum-miussinermini tunngavilersuutitut ilaatigut allappaa P sulinerminut atatillugu K'mut ornigukkami inatsisitigut tunngavissaqarsimasoq, kingornalu K kammassersimasoq aammalu sanilini nikassarsimagaa. Aammattaaq politimesterip tunngavilersuutigaa K'p – P racistitut taareerlugu – P'p tigusarinninniarneranut akiuussimanagera.

P'p K'mik tigusarinninnerminut atatillugu pissusilersuutai isornartorsiuussallugit politimesteri tunngavissaqartitsinngilaq. Aammattaaq politimesteri isumaqanngilaq tigusarinninnermut atatillugu P pisaqanngitsumik nukersorsimasoq, K tigusarineaq-rami akiuunnini pissutigalugu nukersornissamut tunngavissaqartitsisimammat. Aammattaaq suliami paasissutissat tunngavigalugit P'p tulluanngitsumik oqaaseqarsi-manera tunngavilersorsinnaasimangilaa.

Politiit pillugit naammagittaalliutininut aalajangiiniartartut tunngavilersuutiigaat K sanilinilu ukiuni arlalinni saniliusup illuutaanut aqqutit akerleriissutigisimagaat. Aalajangiiniartartut maluginiarpaat sanileriit taamak akerleriinnerat inuit saqitsaassu-taannut tunngaveqartoq aammalu imminermini politiiit suliaqarnissaannut tunngaviler-suutaasinnaanani. Aalajangiiniartartut isumaqarput ullormi pineqartumi K'p saniliata piumasaqarneratigut P K'p illuutaanut ornigussimasoq, naak politiiit suliaqarnis-saannut nukinginnartumik pisoqanngikkaluartoq, tamannalu aalajangiiniartartut isor-nartutut isigaat. Politiiit pillugit naammagittaalliutininut aalajangiiniartartut P'p K'mik tigusarinnikkami pissusilersuutaa pillugu aalajangiineranut isumaqataavoq.

Politiit pillugit naammagittaalliutininut aalajangiiniartartunut innersuussut naapertor-lugu politimesteri suliamut aalajangiivoq. Politimesterip ilassutigaa isumaqarne-rarluni, politiiit ornigunnerannut tunngavilersuut pillugu politiiit pillugit naammagit-taalliutininut aalajangiiniartartut oqaaseqaataat politiiit suliaattut tulluurtuuneranut apeqqummut tunngasuusoq. Tassunga atatillugu politimesterip oqaatigaa, politiiit suliaat pillugit naammagittaalliutit suliarinissaat politiiit pillugit naammagittaalliutininut aalajangiiniartartut piginnaatinneqarnerisa avataanniittoq. Aammattaaq politimesterip maluginiaqquaa, isumaa malillugu politiiit suliaat pineqartoq eqqun-ngitsutut isigineqarsinnaanngitsoq. Tassunga atatillugu P'p nassuiaataa pingaartippaa, nassuiaatigimmagu K'p biilimik inissinerata tulluurtuunerata nalilenera tunngavi-galugu pisariaqarsimasoq K qinnuigissallugu biilip illikarnissaanut, taamaalliluni qatse- risartut biilii saneqqusinnaaniassammata.

Kommunefogedip aalakoorniluni politiit sulinissaannut ornigunnera pillugu nammagittaalliut (suliaq nalunaarusiarineqartoq)

(55PM-00173-0004-13)

Innuttaasup naamagittaalliutigaa politiit suliassaannut atatillugu kommunefogedip aalakoorniluni innuttaasup najugaanut ornigussimanagera.

Kommunefogedip nassuiaatigaa, piffimmut ornigutinniginnermini arlaqannigitsunik iisimalluni. Ajuusaarutigaa taamaanneratigut isigineqarsinnaasimammat aalakoornartulimmik imersimanermigut kommunefogeditut sulinerminik nakkutiginnissin-naannginneranik. Tamatuma saniatigut kommunefogedip nalunaarutigaa nunaqar-fimmi kisimiilluni kommunefogediunini, aammalu ornigunneq allatut ingerlanneqar-sinnaasimangitsoq.

Innuttaasup aammalu politiip qulliuernerusup oqaloqatigiinnerisigut suliaq inaarne-qarpoq. Kommunefogedip ajuusaarnera innuttaasumit tusaatissatut tigu-neqarpoq taannalu paasinnippoq suliameq allatut iliuuseqaqqittoqassanngitsoq.

Politiit pillugit naamagittaalliutinut aalajangiiniartartut aalajangiinermut isumaqa-taapput.

Assersuut 5

3.2 Inatsimmi kapitali 3 – pinerluttuleraluni suliat

§ 17, imm. 1-imi aalajangersagaq malillugu, politimesteri nalunaarutiginnissut malillugu imaluunniit nammineq ingerlatsinermigut paasiniaaqqissaariler-tassaaq, politiinut sulisut sulinerminni pinerluuteqarsimanerat pasitsaanneqaraangat.

Innuttaasup nalunaarutiginninnera tunngavigalugu paasiniaaqqissaarneq aallartinne-qartarpoq. Aammattaq politimesterip paasiniaaqqissaarneq aallartitarpaa, pinerlut-toqarsimasinnaaneranut politiit paasissutissanik ilisimatineqaraangata.

2013-imi pinerluttuleraluni sulianik tallimanik aalajangiisoqarpoq.

Immikkoortumi uani suliat marluk nassuiaatigineqarput, innuttaasup nalunaaruti-ginninnera tunngavigalugu misissuineq aallartinneqartarsimalluni.

Eqqunngitsumik nassuiaasimaneq pillugu politiit sulisup nalunaarutigine-qarnera

(55PM-00174-0001-13)

Innuttaasup B'p ilaatigut pisortani sulisorisanik nalinginnarinnilluni P'mik sioora-saarisaneranut suliamut atatillugu politiip P'p eqqunngitsumik nassuiaasimanagera pillugu B'p nalunaarutigaa. B'p allappaa P'p eqqunngitsumik nassuiaaneranut pissutaasoq tassaasimasoq B'p nulianut soqutiginnissimanagera.

Assersuut 1

Eqqartuussutip allattorsimaffianni allaqqavoq suliap pineqartup eqqartu-
ussivimmi suliarineqarnerani P aammalu politeeq alla nassuiaasimasut B’p P
sioorasaarsimagaa. Aammattaaq allaqqavoq B’p nassuiaatigisimagaa aalakoorn-
ini pissutigalugu pisoq eqqaamasimanagu. B pisoq pillugu eqqartuussivimmi
pisuutinneqarpoq.

Eqqartuussiviup eqqartuussutaa B’mit Nunatta Eqqartuussisuuneqarfianut
suliareqqi-tassanngortinneqarpoq. Pisumi, B’p P’mik sioorasaarluni pisortani
sulisorisanik nalinginnarinnissimasutut pineqaatissiisutaasumi, B’p piumasaraa
eqqartuussiviup uppernarsaatini inerniliinerata atortiinnarneqarnissaa.

Tamanna tunngavigalugu politimesterip tunngavilersuutigaa B pillugu piner-
luttu-leraluni suliapi P eqqunngitsumik nassuiaasimangitsoq, B’llu nalunaaru-
tigininnera itigartitsissutigalugu.

Politiit pillugit naammagittaalliutinut aalajangiiniartartut aalajangiinermut
isumaqa-taapput.

Kingornatigut B eqqunngitsumik nalunaarutiginnissimasutut pasineqarpoq.

Assersuut 2 Malersuineranut atatillugu qamutip tillinneqarsimasup aporneqarnera (55PM-00172-00004-12)

Biili aallarunneqarsimasoq politiiip P’p aammalu reservepolitibetjentip politiit
biiliannik malersorpaat. Tassunga atatillugu biili aallarunneqartoq politiit biili-
annit, P’mit aquneqartumit, aporneqarpoq.

Politimesterip tunngavilersuutigaa P’p apuinnginnermini politiit biiliata suk-
kassusaa annertuumik arriillissimagaa. Aammattaaq politimesterip tunnga-
vilersuutigaa apui-nermut pissutaasoq tassaasoq qamutip malersorneqartup
tassangaannaq uneriar-simamera, aammalu piffimmi quatsersimamera. Taama-
attumik P’p politiit biiliat unitseriarsinnaasimangilaa, kingornalu arriitsumik
sukkassuseqarluni qamutip aallarunneqarsimasup tunuanut ingerlaannarsimal-
luni.

Politimesterip maluginiaqquaattaaq P’p nukingertumik ornigunnera pisa-
riaqarsi-masoq, qamummik malersuineq navianarmat aammalu sukkasuumik
ingerlasi-mammatt.

Kingornatigut politimesterip aalajangerpaa suliapi misissuineq taamaatin-
neqassasoq, P’p angallannermut inatsimmik unioqqutitsisimanissaanut naam-
mattumik ilimanaa-teqanngimmat.

Politiit pillugit naammagittaalliutinut aalajangiiniartartut aalajangiinermut
isumaqa-taapput.

Nalunaarusiani siulianeersuni suliat pineqartut pillugit ilassutit paasissutissat

2010-11-mut nalunaarusiaq

Tigusarinqarsimasumik angallassinermut atatillugu sioorasaarineq

(55PM-00174-00014-08, assersuut 2, qupperneq 25f)

Politeeq P tigusarinqarsimasumut sioorasaarisimasutut unnerluunneqarpoq. P kingornatigut ulluni 30-ni pineqaatissinneqarsimasunut inissiisarfimmiit-tussanngor-tillugu pineqaatissinneqarpoq. Pineqaatissiisut utaqqisinneqarpoq.

3.3. Suliat politimesterip nammineerluni aallartitai

Immikkoortumi uani pinerluttulerarluni suliaq ataaseq, aalajangersakkami § 17, imm. 1 naapertorlugu politimesterip nammineerluni aallartissimasaa, nassuia-atigineqarpoq.

Tigusarinqarsimasumut nakuuserneq

(55PM-00174-00002-13)

Politeeqarfimmi aqutsisut aqutugalugit politimesteri nalunaarfigineqarpoq politiit marluk – P2 aammalu P3 – politeeqarfimmi aqutsisunut saaffiginnissimasut, vagtiullutik takusimanerarlutik politiip P’p tigusarinqarsimasooq A anasimagaa.

Politimesteri suliamik misissuisitsilluni aallartitsivoq.

P2’p aammalu P3’p nassuiaatigaat ineeqqami killisiuiffiusumiit, P’p A killisioraa, tusaasimallugu soorlu isatsinertut nipilik. Ineeqqamut killisiuiffiusumukarput, tassa-nilu takullugu A’p ulussani tigusimagaa. P2’p oqaatigaa A oqarsimasooq anaaneqar-simalluni. P3’p oqaatigaa tusaasimallugu P’p A aperigaa anaqqissanerlugu.

A’p nassuiaatigaa killisiorneqarnermini P’mit isanneqarsimalluni, aammalu P’p aperisimagaaani isaqqissaneraani.

P pisuunnginnerarpoq nassuiaatigalugulu P2’p aammalu P3’p ineeqqamut killisiuif-fiusumut takkutinngilaarneranni A’p ajortisaarineranit assaminik illugiinnik quttoq-qamigut imminut patissimalluni, kingornalu A oqarfigisimallugu eqqissinngikkuni isertitsivimmu utersinnaasoq.

P nakuusersimasutut pinerluttulerinermik inatsimmi § 88 malillugu politimesterip unnerluutigaa.

Politiit pillugit naammagittaalliutitut aalajangiiniartartut politimesterip aalajangi-neranut isumaqataapput.

P kingornatigut ulluni 30-ni pineqaatissinneqarsimasunut inissiisarfimmiit-

Assersuut 1

tussangor-tillugu pineqaatissinneqarpoq. Pineqaatissiissutip utaqqisinneqar-nissaanut tunngavis-saqartitsisoqanngilaq.

3.4 § 17, imm. 2 malillugu misissuinerit

Ukiumi nalunaarusiorfiusumi 2013-imi suliaq ataaseq inatsimmi § 17, imm. 2 malillugu aalajangiiffigineqarpoq, taakkulu politiit akuliunnerannik pat-siseqartumik, imaluunniit pineqartup politiinik tigummineqarnerata nalaani inuup toqusimaneranut imaluunniit annertuumik ajoqusersimaneranut tunn-gapput. Suliaq immikkoortoq 3.4-mi assersuut 1-itut eqqartorneqarpoq.

Taassuma saniatigut 2013-imi inatsimmi § 17, imm. 2 malillugu suliaq tigu-neqartoq 2014-imi aalajangiiffigineqarpoq. Suliaq ataani eqqartorneqarpoq.

Assersuut 1 **Politiit isertitsivianni imminoriarneq**

(55PM-00175-00001-13)

Politiit arnaq, K, savilerluni angummik kapisisimasutut pasineqartoq, tigusari-vaat. Politiit arnaq annertunngitsumik aalakoortutut, qiaqqajaasutut aammalu killisiorne-qarnissamat tulluanngitsutut nalilerpaat.

Tigusarineqarneranut atatillugu K pigisanik nakuusernissamat imaluunniit qimaanis-samat tigummiaraqngitsoq nalilerneqarpoq, timimut attuumasunik atugaqarmat.

Suliami allaqqavoq illoqarfimmi peqqissaaviup angut, K’p kapisimasaa, su-lialarlugu ulapputigisimagaat. Taamaammat politiit aalajangerpaat K politiit isertitsivianni utaqqisinneqassasoq sukannersumik nakkutigalugu, nakorsamit misissorneqarnissaata tungaanut aammalu isertitsivimmut isertinneqarnissaa-nut tulluarnerarpagu.

K’p isertitsivimmiitinneqarnerani alakkarneqaqattaarpoq. Tassunga atatil-lugu K kamaqqasutut aammalu qiaqqajaasutut nalilerneqarpoq. Alakkaanerit ilaanni politeeq pineqartoq, P1, vagtiusumit telefonikkut attavigineqarpoq. K’p nipituumik qianera pissutigalugu P1’ip telefonikkut oqaluussani tusaarpiarsin-naanngilaa, taamaattumillu isertitsivimmiit illikarluni. Kinguninnguaq politeeq P2 takkupperoq, takullugulu K isertitsivimmi madrassemi aalanani innangasoq. P2 isertitsivimmut isipallappoq takullugulu K’p qarlini qungatsiminut imusi-magai. K’p qarlii qungasianiit P2’p peerpai P1’ilu aggersarlugu. K ilisimann-gitsutut, anersaartunngitsutut aammalu attavigiuminaatsutut nalilerneqarpoq, tillerneqarlunili. P1 pilertortumik ikiueqqaa-lerpoq, P2 ambulancemik agge-qqusiniartoq. Ikiueqqaarneq ilaatigut uummarsaa-nikkut aammalu uummatip aallartisinniarneratigut ingerlanneqarpoq. Sivikitsumik ikiueqqaarneq pereer-

sorlu K anersaartoqqilerpoq, kingornalu nallartinneqarpoq aammalu P1'imit P2'millu nakkutigineqaannavilluni. Kingorna K napparsimmavi-liaanekarpoq. K imminoriarnermunit annappoq.

Imminoriarnermut atatillugu politimesteri misissuisitsilerpoq.

Misissuineq kingornatigut politimesterip taamaatippaa, isumaqannginnami politiit pineqartut isornartumik iliuuseqarsimasut. Politimesterip ilaatigut pingaartippaa K'p utaqqisinneqannginnerani nakorsamit takuneqarsinnaasi-mannnginnera. Aammattaaq politimesterip pingaartippaa K'p inissinneqannginnerani pigisanik, nakuusernissamut aammalu qimaanissamut tulluarsinnaasunik, tigummiaraqannginneragaasimanera. Taakku saniatigut politimesterip pingaartippaa K'p utaqqisinneqarneranut atatillugu arlaleriarluni alakkarneqarsimanera. Naggataatigut politimesteri isumaqarpoq ikiueq-qarneq eqqortumik ingerlanneqarsimasoq.

Politiit pillugit naammagittaalliutinut aalajangiiniartartut aalajangiinnermut isumaqa-taapput.

3.5 Suliaq Rigsadvokatimit suliarineqarsimasut

Inatsimmi kapitali 5-imi malittarisassanik ilanngussisoqarsimavoq Rigsadvokatip suliarinnittarneranut politimesterimut imaluunniit politimestereqarfimmi sulisunut tunngatillugu (politimestereqarfimmi inatsisilerituut politiitullu atorfillit amerlan-ngitsut, politimestereqarfiup allatseqarfiani sulisut) iliuusaasut pillugit naammagit-taalliutit aamma suliat pinerluttulerinnermut tunngasut. Rigsadvokati inatsit malillugu periarfissaqarpoq statsadvokat suliani pinerlutoqarsimanerani paasiniaatissallugu, mannali tikillugu suliasat taamaattut nammineerluni suliarisarpai.

Rigsadvokati 2013-imi suliarinneqqaartutut sulianik tigusaqarnikuunngilaq. Aammattaaq ukiumi nalunaarusiorfiusumi politimesterip aalajangigaanut naammagit-taalliutinik tigusaqarnikuunngilaq.

Siornatigut nalunaarusiani suliat pillugit paasissutissanut ilassutit

Nalunaarusiaq 2012

Sulinermi mobiltelefonip atoneranut atatillugu pinerluttulerinermik inatsimik unioqqutitsisimasinnaaneq

(RA-2012-362-0006, assersuut 1, qupperneq 23)

Politeeqarfiup sulinermi telefoninut akiligassat misissorneqarnerannut atatil-

lugu, politimesterip paasivaa telefonit ilaat vicepolitikommissær P’p atugaa nalinginnaan-ngitsumik internetimut atuisorujussuusimasoq. Tamanna tunngavigalugu politimester-ip Rigspolitiinut innersuussutigaa iliuitsit pillugit P malersorneqartariaqartoq. Nalunaarutigineqarnera tunngavigalugu Rigspolitiit innersuussutigaat, Rigsadvokati qinnuigineqassasoq pillaataasinnaasumik pisoqarsimanersoq misissoqqullugu. Suliami allaqqavoq politimesteri isumaqarsimasoq suliami pineqartumi qanippal-laarluni.

Kingornatigut Rigsadvokatip misissorpaa, P’p sulinermi mobiltelefonip atorneratigut pisuussutaatit pillugit nunatsinni pinerluttulerinermik inatsimmi § 23-mik unioqqu-titsisimanersoq, imaluunniit pinerluttulerinermik inatsimmi § 49 imaluunniit § 55-imi aalajangersakkat malillugit pisortani oqartussaati-taanermik atornerluinerunersoq imaluunniit atorfimmi suliasanik isumagin-ninnginnerunersoq.

Suliamik misissuineq Rigsadvokatip taamaatippaa, iliuitsinik pisortanit malersorne-qaataasunik pineqaatissiissutaasinnaasunik pisoqarsimanagera ilimanaate-qanngimmat. Rigsadvokatip ilaatigut pingaartippaa P’p sulinermi mobiltelefonip atornissaanut ilit-sersuunneqarsimanagera tunngavilersorneqarsinnaannginnera. Aammattaaq Rigsadvokatip pingaartippaa datamik atuinerup suunerata aammalu annertussusaata aalaja-ngersarneqarsinnaasimanninnerat.

Tamatuma saniatigut Rigsadvokatip nalunaarutigaa, atorfimmi suliasanik isumagin-ninnginnerusimappat aammalu sulinermi sulissanik suliarinninnginnerusimappat, maleruagassat malillugit pissusilersuutit pillugit akisussaatitsinissamut naammapput, taamaalilluni ingasannerusumik pisoqaaqqissagaluarpat aatsaat pillaatissiilluni kingu-neqartitsisoqarumaarluni. Tassunga atatillugu Rigsadvokatip maluginiarpaa sulinermi mobiltelefonimik annertunngitsumik nammineq atuneq ingasannerusutut isigineqar-sinnaanngitsoq.

Politiit pillugit naammagittaalliutitut aalajangiiniartartut aalajangiinnermut isumaqa-taapput.

Suliap suliarineqarnerani P qinnuteqareerluni sulinngiffeqarnissamut akuerineqarpoq. Kingornatigut suliunnaarnissamik qinnuteqareerluni suliunnaarnissamut akuerine-qarpoq, taamaalillunilu suliaq pissusilersuutit pillugit kinguneqarnikuunani.

Kalaallit Nunaanni Politiit pillugit naammagittaalliuutinut aalajangiiniartartut 2013-imut nalunaarusiaat

Kalaallit Nunaanni Politiit pillugit naammagittaalliuutinut aalajangiiniartartut 2013-imi sulianik nutaanik 14-inik tigusaqarput, ukununga agguataarsimasunik:

Suliat takkuttut	2013	2012	2011	2010	2009	2008	2007
Suliat nalunaarusiarineqartut	0	0	0	2	1	0	0
Pissusilersuutit pillugit naammagittaalliuutit	8	6	5	6	6	15	7
Pinerluttuleraluni suliat	3	8	6	2	9	14	7
17,2-sager	1	3	2	1	1	2	2
Suliat angallannermut tunngasut	1	5	1	5	0	0	4
Misissuilluni suliat	1	1	1	2	2	0	0
Suliat katillugit	14	23	15	18	19	31	20

Ukiup ingerlani Aalajangiiniartartut suliat 14-it aalajangiiffigivaat, imatut agguataar-simasut:

Suliat takkuttut:	2013	2012	2011	2010	2009	2008	2007
Suliat nalunaarusiarineqartut	1	0	0	2	1	0	1
Pissusilersuutit pillugit naammagittaalliuutit	7	3	9	5	8	15	10
Pinerluttuleraluni suliat 17,2-sager	3	8	5	2	10	18	5
Suliat angallannermut tunngasut	1	2	2	1	1	2	2
Misissuilluni suliat	2	3	1	5	0	0	5
Misissuilluni suliat	0	1	1	3	0	0	0
Suliat katillugit	14	17	18	18	20	35	23

Ukiup naanerani suliat 14-it ingerlapput, suliat Kalaallit Nunaanni Politimesterimit aalajangiiffigineqarnissamat utaqqisut, taakkunannga ataaseq 2014-imi januarimi aalajangiiniartartunit aalajangiiffigineqarsimalluni, aammalu ataaseq tiguneqarsima-voq sulili aalajangiiffigineqarani. Sulianit ingerlasunit suliaq ataaseq 2012-meer-suuvoq, sinnerilu 2013-imi takkuttuullutik.

Politimestereqarfimmi sulianik suliarinninnermi piffissap atorneqartup sukarteriffi-gineqarnera 2013-imi suli ingerlavoq.

2013-imi naammagittaalliuutit amerlassusaat 2000-imiilli aaqqissuussinerup atuuti-lesinneqarneraniit suliat takkuttut agguaqatigiissillugu amerlassusaaniit suli appasinnerupput, kisiannili innuttaqassuseq aallaavigalugu amerlassut-sit Danmark-imiit suli qaffasinnerupput.

Pinerluttuleraluni suliani pingasuusuni ataatsimi politeeq unnerluutigineqarpoq, killi-siainermut atatillugu tigusarinqarsimasumik isatsisimasutut. Pinerluttuleraluni suli-animarlunni misissuinerit taamaatinneqarput, pinerluttoqarsimanissaa naammattumik ilimananngimmat.

Pissusilersuutit pillugit suliani aalajangiiffigineqartuni ataatsimi, nalunaarusiarineqar-tut naammassineqartumi, politiip pissusilersuutaat ajuusaarutigis-sallugu tunngavissa-qarsimavoq, sulianilu aalajangiiffigineqartuni arfinilinni isornartorsiornissamat ima-luunniit ajuusaarnissamik tunngavissaqartarsimanngilaq.

Pissusilersuutitut pillugit suliani innersuussinnermi ataatsimi aalajangiiniartartut isu-maqataanngillat, aalajangiiniartartut isumaqarmata isornartuusooq poli-

tiip illuutigisa-mut ornigussimanagera – sanileriit ukiorpaalunni akerleriissimasut – illuatungeriit sivi-suumik assigiinngitsutigut akerleriissimanagerannut politiit ornigunnissaannut tunnga-viusinnaasunik pissutissaqarani. Politimesterip aalajangiinermini isornartorsiussalluni tunngavissaqartissimanagerila, politimesterip isumaqarami pisoq tamanna politiit suli-nissaannut attuumassuteqarneranut apequtaamat, tamannalu aalajangiiniartartut piginnaasaqarfiinut attuumassuteqanngilaq. Kingorna aalajangiiniartartut aalajangi-uppaat politimesterip aalajangiinera Rigsadvokatimut naammagittaalliuutiginiarnagu.

§ 17, imm. 2 malillugu suliani, politiit tigummigallaanerini ajoqusertoqarsi-managera pillugu, isornartorsiussalluni tunngavissaqarsimanagerilaq.

Suliani taaneqartoq pissusilersuutit pillugit naammagittaalliuut minillugu, politimesterip uppernarsaaneranut aammalu sulianut aalajangiinerinut aalajangiiniartartut isumaqataasimapput.

Ukiup ingerlanerani Politiit pillugit naammagittaalliuutinik aalajangiiniartartut sulianik aalajangiinissamut arfinileriarlutik ataatsimiittarsimapput, saniatigullu allak-katigut suliat aalajangiiffigisarlugit.

Ukiup ingerlanerani Aalajangiiniartartut naammagarluinnartumik Kalaallit Nunaanni Politimesterimik aammalu Rigsadvokatimik suleqateqarput.

Ukiut nikinneranni eqqartuussissuserisoq Jesper Müller siulittaasutut tunuarpoq, ataa-tigullu atsiortoq 1. januar 2014 aallarnerfigalugu siulittaasutut sulilerpoq. Siulittaasu-mut sinniisussatut eqqartuussissuserisoq Jens Paulsen ivertinneqarpoq.

Nuuk, ulloq 12. februar 2014

Kalaallit Nunaanni Politiit pillugit naammagittaalliuutinik

Aalajangiiniartartut siulit-taasuat:

Anita Strauss Sørensen

Suliaasimasunik nalunaarsuut

Rigsadvokatens j.nr.

RA-2012-362-0006

Kalaallit Nunaanni Politimesterip j.nr.

55PM-00173-00012-11

55PM-00173-00002-13

55 PM-00173-00007-12

55PM-00173-00002-12

55PM-00173-00004-13

55PM-00174-00001-13

55PM-00172-00004-12

55PM-00174-00014-08

55PM-00174-00002-13

55PM-00175-00001-13

Ilanngussaq

Ilanngussaq 1

Kalaallit Nunaanni politiit pillugit naammagittaalliutinik aalajangiiniartartut ukiumi nalunaarusiorfimmi 2013-imi ilaasortai:

Kalaallit Nunaanni Politiit pillugit naammagittaalliutinik aalajangiiniartartut
Fjeldvej 16
Postboks 59
3900 Nuuk

Siulittaasoq:
Advokat Jesper Müller
Advokat Anita Strauss Sørensen (suppleant)

Kalaallit Nunaanni inatsisartunit inassutigisaq:
Rudolf Heilmann
Steen Lynge (suppleant)

Kalaallit Nunaanni inatsisartunit inassutigisaq:
Johanne Olsen
Nitta Lyberth (Suppleant)



Rigsadvokaten

Frederiksholms Kanal 16
1220 København K

Telefon 72 68 90 00

